

二知軒詩續鈔

序

同治甲子夏客韶州節院子箴方伯命編校二知軒詩
爲例議及後序公復自刪定得十四卷刻成見寄戊辰
秋聞公移節維揚來廣州話別則續刻又四卷新詩草
藁復積盈寸讀之格愈老律愈細氣愈昌公之於詩不
惟寢饋以之乃直性命以之固宜其學與年進如此非
僅餘事作詩人也至其取材徵事富有精切尤所擅長
懋建行年六十學植荒落受知最深不能爲它山之石
惟有愛服贊歎而已公將行眷眷於粵然則粵人士相
與眷眷於公者可知也懋建曩謂佗日得以老部民重

司編校之役今方如東人之於周公歌詠勿諉所祝旌
節重來爲封圻保鄣則遊歌篇什以視會昌一品之集
抑又過之遠矣同治七年九月九日嘉應楊懋建掌生

記

二知軒詩集續鈔序

人惟有德量乃能愛人之才如己之才昔漁洋山人以詩鳴海內宏獎風流一時豪俊無不託其宇下吾同年子箴方伯之詩之工前序已詳之茲方伯又出其近作見示詩膽愈壯詩律愈細吳江計甫草謂漁洋山人德量深者詩亦深方伯有焉昌彝與方伯相知四載方伯於詩外別無嗜好惟以詩爲性命而愛才亦如性命其德量之過人遠矣非世人之所能及也繼漁洋山人而起非方伯其誰與歸同治戊辰仲春侯官年愚弟林昌彝拜序

二知軒續鈔詩序

鄉者予遊京師與同人論近今詩人誰當執牛耳者僉曰惟定遠方君子箴可若時奉使秉節筦離粵東以未及一炙緒論爲憾既予南旋會君量移兩淮道出皖上投刺走謁相見甚歡辱示二知軒集披誦三復乃信京師同人所論爲不謬也夫詩學流弊至今極矣或故爲艱深以欺人或務趨怪僻以矯世或徒事雕績而真意不存或專抒性靈而但俗未免或依託大家而但襲面兒或師心自造而不就範圍甚至區別門戶雜沓鼃紫各執一見互相攻詆無怪詩人日多詩教日靡不有人

焉主盟風雅爲之挽頽波障狂瀾勢必至橫流旁決而無所底止矣君自束髮受書卽嗜韻語洎登甲科入詞垣敷歷中外簿領之餘不廢吟詠故凡上由漢魏下及唐宋莫不探索源流鑿正變肆力日久乃能神明變化從心所欲譬如國手對局隨手布子着着不漏又如蒲蘆挽弓必引滿而後發發必中的良由天資旣高性復與近而學又足以相副每有所作人或嘵嘵萬言而不能遠盡者祇一二語足以括之景有所難狀情有所難敘者筆悉足以曲達之治百家之精而自成一家擅各體之勝而不拘一體大矣美矣能事畢矣世有作者

未能或之先也然則風雅一席舍君其誰主哉先是君詩集已刊於羊城茲再裒續鈔所作數卷將付手民予任校讐爰憶昔所聞於同人者書弁簡端適王君謙齋至自合肥試以相質亦爲首肯君以予與謙齋可與言詩援昌黎舊例拉與聯句排日凡得如干首附刊卷中東野文昌廁名不朽幸矣惟念漢魏唐宋以來作者代興其間絕續之交不過百數十年而已我

朝自漁洋山人後大雅不作今且二百餘年以時考之意者君其代興者乎誠如同人所論請執牛耳小子不敏願奉槃匱以從事左右也時同治己巳長至月桐城

小
弟
許
奉
恩
叔
平
甫
謹
撰

二知軒詩續鈔目錄

卷一

古今體詩一百二十三首

卷二

古今體詩一百十九首

卷三

古今體詩一百十五首

卷四

古今體詩一百三十一首

卷五

古今體詩一百二十四首

卷六

古今體詩一百三十六首

卷七

古今體詩一百十七首

卷八

古今體詩二百五十三首

卷九

古今體詩一百四十六首

卷十

古今體詩一百二十六首

卷十一

古今體詩一百又三首

卷十二

古今體詩一百又四首

卷十三

古今體詩一百二十二首

卷十四

古今體詩一百又六首

卷十五

古今體詩一百又二首

卷十六

古今體詩一百二十三首

卷十七

古今體詩一百又九首

卷十八

古今體詩二百二十三首

卷十九

古今體詩

卷二十

古今體詩

丁卯正月下浣

箴翁方伯招集西園酒闌攜此卷歸讀之大約力量愈
充足工夫愈純熟工巧愈工巧真樸愈真樸且精理名
言其佳處有在詩外者讚歎不足敬題卷端陳澧謹識

二知軒詩續鈔卷一



定遠方濬頤子箴

古今體詩一百二十二首

丙寅正月
至四月

丙寅正月初二日偕張友山

兆棟

廉訪郭毓麓

祥

瑞觀察謁鄭仙祠

漫漫濁霧埽程鄉北極仙人已降祥

聞臘月十二日聞
軍大捷陣殲首逆

汪海

三島雲霞舒鶴羽一春烽火靖狼臙探幽都作超

塵想抱朴先傳濟世方指日鐃歌歸虎旅紅棉花下醉

干觴

鬱葱佳氣豁雙眸拾級璇階最上頭勝境頡頏蒲澗寺

嘉名肇錫菊坡樓

祠爲菊坡故址卽以名樓

盧敖若士天邊侶瓊室

丹房海外游冠蓋勞勞成底事令人回首憶瀛洲

人日得林薌谿同年廈門來書並以續詠梅影二

章志別卽次韻奉寄

癯顏相對滌塵心彷彿輕紈寫瘦金爲覓暗香朝攬鏡
肯拋寒豔夜蒙衾孤芳不露繁華態高格都宜贈答吟
畢竟神交通咫尺幽探那隔白雲濤

偃蹇虬枝勁不摧忘形雪友共霜媒直疑巢艾花中隱
難得林逋海上回曲陽暝俛春氣足疎籬斜漏夕陽催
休令子野誇三絕新向銀濤洗眼來

喜聞官軍於臘月二十二日克復嘉應

東南巨患今蕩平左伯

宗棠

鮑子

超

人中英指揮戈矛

奮捷伐降伏虎豹猶颺旄合圍一戰遂披靡墜崖墮澗
何縱橫程江歲晚烽火息四野齊聽鏡歌聲

狼奔豕突十六年粵寇歸粵殘喘延早知主兵不如客

雖曰人事中有天同心戮力勇百倍量敵慮勝謀萬全

將軍

謂鮑軍門

絕不憚勞苦又報移旌江漢邊

河南捻匪近擾楚北

雲門生日酌於雲舫卽事感賦九言

春來景物爛漫珠江涯抗塵終日未免拘形骸連宵陰
暈嬾登延月榭無心解后卻在朝天街雲門雲舫結構

劇幽雅團花簇錦意匠工安排懸弧令節不速之客至

排闥直入使我清詩懷珊瑚碎翦兩株紅躑躅凌波仙

子呼爾爲同儕

舫中水仙亦盛開

朱朱白白掩映絕明靚霞光

澹沱更橫紫玉釵似蘭非蘭名以報春錫如舟小屋恨

不移秦淮爲言楚山突過鶴林寺十里五里錯落成丹

崖昔年筍將行處輒留戀萍蹤飄忽宦海浮沈皆有花

有酒與子且尋樂奚必畫船羅列度曲娃揚州風味茲

晨快一飽

庖丁作揚州麪

咄嗟立辦誰云食無腴吳刀細切妙

可穿結帶韭芽萱草

皆麪名

堪傲庾郎鮭北方人每不餐

此中麪番舶所載原是重羅筵迢迢西郭訪友

謂芸湖

旣

不遇那期歸途迤邐游艇齋玉塵翠縷孰敢謂釘飯籬
邊銷夏還約淘冷槐斯時碧翁多情召屏翳醍醐密灑
萬綠抽芳荇盎然生意洵足爲千壽坐對羣豔信口鳴
咿哇呼鑿道上木棉已開未雨晴正好聯步躋璇階十二
四日同人復招飲菊坡樓應官聽鼓爾我總嫌俗何時料理竹杖和
芒屨一邛一壑隨地任栖止逍遙世外心澹境自佳

東李恢垣

遊翁仙去

謂陳
懿叔

茶叟歸

謂林
菊翁

西園落寞寡儔侶君從莖

塘拏舟至令我驩如得蛩駝木犀杜鵑同時開春膏醲
過杯中醕衣冠之會類葵邱雖有觴政不敢舉簿書坐

因形影神講席但親筆墨楮以君之雅醫我俗瓦缶妄
希應鍾呂扁舟遲遲泛頂湖準備黃封沸湯煑長鯨一
吸百川盡手搏於菟小於鼠元戎近已罷干戈吾輩也
堪樂樽俎傷離感逝且勿庸酒膽詩腸天付與

同人招飲菊坡樓

賦詩果成讖冒雨登陂陀

予去年重修鄭仙祠詩
有冒雨爭開窆之句

瞥見

兩三花吐燄百尺柯今年紅棉早問候驚蟄過春寒勒
不住木客顏先醅油雲白無際霞光來盪摩遙想波羅

江珊枝舞睡暹

嗟我楚庭麓空曠恣眺覽萬緣助冥濛珠海濃霧晦試

看春色嬌那及秋容澹多栽隱逸花石骨金英嵌昔賢
觴詠地豈爲仙境拚待吟補菊篇東籬舒笑頷

招陳蘭甫李恢垣劉雲生張蘭軒朱雲門飲於碧

玲瓏館漫賦三十二韻

陰霾忽放晴舉觴醉賓客同在水精域儼泛烟波宅太
邱齒最尊嶺南老詞伯窮年兀焚膏終日坐講席歸田
李侯早抗志脫朝籍循陔樂方長逃名心自適劉郎興
更豪傲岸拓金戟捍衛粉榆鄉力把荆榛闢卓犖詩人
孫謂蘭軒新奮雲程翮家學紹烏臺文章重鸞掖近讀知
足齋朱文正公集名頓使煩襟釋遙遊滌華胄翩翩聯宦迹諸

君信風雅而我慕山澤招邀忘形交暫駐游春屐鵲血
紅似染麕眼綠紛塢甫聞玉虎鳴又覩白駒隙妍齊
作態空洞了無隔韻添窗外篠香到池畔石座中金闈

彥昨駕黃灣舶

關軒近送友人至香海

迷離一髮青滉漾四圍碧

應笑小園內毋乃眼界窄豈知浩蕩曾隨處乾坤書汪

洋化畦畛慷慨吐肝膈高士常閉門稽古多椒獲

蘭甫著作

極富所期盟笠簦相與礪圭璧欲假鄴架書奈有端溪役

恢垣明日

卽往肇慶合并偏易散仇爽尤莫逆可以築壇坫不須

議兵革

約雲生雲門唱和

交遊四海廣歌詠半生癖氣已通沆

濯味弗辨炮炙泥飲直至哺清談拚永夕花時儻再來

吟箋定分擘

蘭甫賦七言長歌並以漢書地理志水道圖說漢

儒通義聲律通考三書見贈卽次韻奉酬

此日西園無俗客詩壇高築仙湖北讓君探袖得瓏珠
光芒直射蛟龍宅南海何曾竟宋寥翻憐九曜是頑石
豈惟步武追青蓮雄才當代文章伯西起蒲昌南訖黑
水河以今釋古胸涵千頃波足不出戶參稽到邊徼堪

笑秦帝枉自驅鼉鼉梅州楊君亦復耽箸述

近乞君校勘學生再

頁新

圖說默深而外同調誰云多

君藏有魏默深再頁說一書

訓詁要從

義理出依傍門戶徒嬰嬰嗟予目不辨漢宋年逾半白

空蹉跎左圖右史紛駢新陶然心醉煩常地宮商旣明
律呂正恍聆雅奏房中歌製管常用晉前戶奚至支離
駁雜牽蔓蘿展卷沈吟魂魄爽會須攜笛呼游舫已傳
知樂過姜夔更羨窮經如索敞昔見賞文達公而今番
番成老翁耳聰仍辨十二筒待問一任筵撞鐘胡爲坐
泉比未登明光宮望之有似龍門桐襟期曠逸逍遙白
雲峯廿師豹隱羞見攀樹熊近聞閉戶日暮學思錄士
林楷範天所鍾長歌那厭再三讀箏琶壓倒聲鴻瓏

附原作

陳 澧

嶺南名宦兼詩客百年前數趙甌北誰其繼者

南城曾置酒徵詩仲翔宅

曾賓谷中丞
建虞仲翔祠

其間經

師專注疏亦有名公考金石

北平儀徵爲經學
考據不專於詩如

是者凡數公
不能悉數

戴公訪粵後寥寥

戴文節有
訪粵集

乃今

喜見方方伯方伯詩才浩瀚如江河長風鼓盪

頃刻生濤波中有珊瑚木難吐寶氣又復光恠

倏忽騰蛟盪題詩判牘雙管可齊下頓覺陳思

八斗非才多編成大集命我序我雖脫稿猶嫌

嬰自慙五十學已晚欲比高適尤蹉跎方伯酌

我金巨羅勸我莫惜衰顏醅春花鬪紅竹交翠

紫鳳起舞鸞能歌

園中有孔雀
火雞之屬

奇峯照影落酒

蓋英石坐覺眼前咫尺通烟蘿座客英姿皆颯

爽朱公高韻椒花觴選理熟精推李善才思湧

出稱劉敞

朱子謂劉原父有許多才思湧出來

張公子太史公詩

法傳自南山翁近與方伯馳詩筒鏘然仙樂酣

笙鐘我抱無弭琴不辨徵與宮只合爨底成焦

桐又聞仙祠新構王山峯上有仙詩千字光熊

熊

方伯新修鄭仙祠賦詩百韻

有如天梯石棧一千步老我

欲上嗟龍鍾且作狂歌揮醉墨淋漓題上碧玲

瓏

和恢垣西江舟中見懷壘前韻

抗塵走俗胡爲乎不如江上魚蝦侶嶺南瀾漫半澤國

山有豺狼野無駟羨君乘興倚篷窗一路看花醉芳醕

肩頭卻喜重任卸

二月初一日張友山
流藩司任予甫得代

挽底原難百鈞

舉孀運機心戰棋局快收春色入豪楮米船已迴漱玉

灘鏡歌齊應夾鍾呂鹽官本來簿書稀評詩讀畫雲腴

煮下簾休問螳捕蟬鍵戶且任鴟嚇鼠長吉錦囊多鉅

製君以舊作五言長律三
章見示格律純乎杜矣

偏樂林泉慙負徂世間幾輩

逞豪雄鬪虎曷不師管與

和陶形贈影

爾我相對待呱呱墮地時出處靡定嚮跬步隨所之日

月兩圓鏡取象咸在茲夜晦晝復顯若有聚散期猶嫌
太分明願存幽獨思宇宙共泡幻開顏止涕泗身外獲
伴侶欣然莫猜疑且盡杯中酌放浪君奚辭

和陶影答形

斯世變態多唯我默守拙與子常依傍境地難隔絕子
行我先趨子憂我遑悅無子安有我詎忍偶離別所以
浮屠家妄想不生滅有時燈燄消幾見冷灰熱盤桓酒
國內歡意那云竭真空原不空提撕醒愚劣

和陶神釋

靈臺方寸地杳冥實昭著自遭塵障蒙交戰失其故非

我攝動靜二子將焉附往來正憧憧聽我明告語我隨
氣化至立命最初處豈能捨盧舍縹緲虛空住名利日
馳驟曷嘗逾定數不醒亦不醉滿腔生意具百年瞬息
耳澹泊忘毀譽光陰倏易逝迷途勿輕去浮雲任卷舒
逃榮何恐懼物我渾而化坦夷蠲俗慮

夜行東郭外口號

顛風一霎冷炎荒迤邐行過校武場蛙鼓亂鳴天未曙
昨宵新雨足陂塘

碧玲瓏館閒詠

自笑若樵客連日弛負擔手足任展舒心地亦冲澹又

磨操小舟大舸強之纜簸揚風濤內竟得投崖礪記從
縮雙符偷閒恆苦暫今茲殊暢適寸田長苗荅予予小
園內一雨萬綠暗眴彼山下池荷錢浮紫紺

西牆數竿竹去年暑天插潤以醲春膏怒生如菜甲愛
此青土韻蕭森凡卉壓瓊玕添萬个薰風來不乏更須
種榮木催荷園丁鋪摩空綠陰滿龍柯爭岌業遮住火
織炎爽氣四噴欲景從未至思別創作詩法

火雞吟

火雞喪其雄孔雀適新寡夢夢竟匹偶能無發嗚啞客
曰君莫笑不類之類也牧犢年七十尙非忘情者爲感

朝飛雉撫絃寸心寫況茲禽鳥微本居俛蟲下鴛鴦與
雁鴒貞行播風雅豈無出羣姿潔身防苟且天地一塵
障遊絲空際惹虬螭種屬龍駟驢生自馬氣化互純駸
理欲紛厓屻安得老頭陀爲之頌般若昂昂方吐綬長
鳴自侈哆

偶作

低垂雲幕掩雙丸格格雷車雨氣漫二月披裘似京國
嶺南春較昔年寒

月溪添漲碧波紋郭外新秧計日分憑仗好風吹雨住
踏青人滿百花墳

董逃行

我欲上登羅浮安期桂父堪儔爰駕青螭翠虬腳底雲
疑不流俯瞰啞虎垂頭飛過鐵橋石樓麻姑玉女對謳
洞口喚醒黃龍俄將丹穴霞烘四百三十二峯峯峯倒
出囊中靈芝復招葛洪驟鸞跨鶴相從翩然戾止莖臺
少君勸客銜杯瓊伯瑤島新醅行厨麟脯攜來采蒲禺
澗剛回池邊夜樂齊催朱明門戶洞開呼吸聞風快哉

五游篇

豫章大樹所以力士不如倚驕萼還生子

一解

樸父善立

格子善行不如尺郭朝莫彭亨

二解

無路之人日飲天酒

不如小兒鵠腹自壽

三解

磔鼠卻寒鮒魚辟風不如無損

割肉復充

四解

金闕銀盤岩嶷難上不如鬼門人來人往

五解

游仙詩七十三首

靈飛六甲獲真傳還白留青詎渺然聞說君房都入道

祖洲先去訪瓊田

東瀛風俗似三吳玉醴泉甘那用沽醉向瑤軒繡秘籙

紅鸞飛下碧珊瑚

火林熠燿夜生光迤邐青邱路較長紫府天真攜伴至

風吹不動白霓裳

二知朝計卷第十
弱水週道繞鳳麟鴻毛到此亦沈淪翩然控鶴虛空降
除是黃芽百煉身

萬戶千門洞府寬迷離霞暈賽楓丹香風引得狡狴舞
神鳥山中黃震檀

九莖濯濯九源滋春晝騎鯨課種芝不願昇天住方丈
樓臺金玉殿琉璃

東王父愛碧淪漣爛度蓬邱黑水邊親見扶桑金椹熟
已過世上九千年

積石南頭王母居崑崙支輔奠坤輿峇崑最是流精闕
百道虹光射紫虛

元氣網維統至尊四山環拱北阿門
蹻車夏后經行處
科斗依稀辨字痕

阿環遠隔絳河涯也降雲駟劉徹家
一自柏梁天藻慢
九光從此閉瓊華

待往虞淵涉紫泥丹霞黃露飲多時
崇朝不分經年別
蒼虎馱回曼倩兒

鳳雛拾得萬林中虬子爭誇洞壑雄
願乞法嬰歌一曲
五層臺畔月玲瓏

喝住元鸞靜不驚垂龍四面影飛翻
人間無此春歸樂
招棖聞聲董仲元

五岳真圖莫炫奇黃安畫地倏成池有人手執周公笏
聽爾龜牀話伏羲

山能種火草如燈翠水翔雞別有菱瓜是龍肝
薤龍爪赤松偏把鳳葵稱

身騎黃鶴已華顛記入雲端幕裏眠笑煞羲和掩鳥目
不如隻屐泛紅泉

八劫俄經判兩儀鴻濛溟滓欲何之元都抵掌談元始
宋宋羅浮夜半時

玉京高聳大羅天誰度宏規盤古前七寶三宮分賜第
步虛一證枕中篇

巢由無意得功名孤竹齊叻僕射榮
惟底宣尼居太極
偏容墨子列公卿

出鎮名山徧八荒洞天都似奕棋忙
四明漢帝爲賓友
卻詔周靈作侍郎

伏火還丹奧妙通伯陽道與廣成同
下方但詔彭篋壽
入室青真號小童

導引功先閉氣吞丹房靈寶闡微言
試將十種論堅固
瓊笈徐參李慶孫

眞誥研求服食方玉池清水勝瓊漿
麟脂螭髓渾無用
吐納丹霄日月芒

直上寥陽氣概豪手攜龍竹踏銀濤方壺員嶠無根著
訴向天庭策巨鼇

千里層城道路賒玉樓十二影交加濃芬透出白環樹
碧柰幾枝初放花

紛紛位業詡真靈天上黃梁夢不醒白石先生無箇事
且燒丹竈讀幽經

流沙西遁始安恬采女相逢口未箝怕向君王誇道術
漢家都尉服巫炎

虎頭飛墮括蒼崖大將威儀幟節排喚醒癡人穿狗竇
方平度世亦談諧

七十還童教女甥
伯山甫卻最多情
衰翁不信金丹好
一杖堪令使者驚

誰能愛客過妻孥
根器由來與衆殊
美酒甘拋三十斛
居然灌頂若醍醐

匿迹嵩高兩髯髻
郎官羞入府君家
問渠何術三尸去
喜遇華陽白鹿車

璇階夜降九疑神
教服昌陽莫厭頻
多少從官昧圭旨
不如壺谷一凡民

晨餐柏子夕松脂
卻病延年解鬱伊
姪女已成偕出定
光明時露鏡中姿

瀟漫不見愛河涯
懊惱情田易茁芽
常在本來無定在
空山到處可爲家

元洲小謫費調停
排鑰奚由啟道屨
多恐淮南雞犬笑
沖天鴻鵠假螟蛉

旨哉抱朴說青城
學道無聞辟夜行
慣煮黃金濟貧乏
長生卽此得長生

精思鍊志不凡才
池上分形座上陪
九鼎漫容輕付界
奮身一擲下雲臺

頂上圓光訝不同
起衰至竟有元功
泰山神枕從君借
行過那耶傲呂翁

雷霆呼叱六丁驅小試劉侯卻鬼符
灑灑一杯樂左技
一般狡獪學麻姑

剖棺布氣誓相從墮潤生憎惡障逢壺裏儘堪藏日月
者番休跨葛陂龍

羲爻玩索果通神東陌追隨悵隔塵拚與孝廉長晤對
終身不作白頭人

爲煉神丹謁漢皇詭辭賺滿橐中裝安期視爾清高甚
金壁當年置阜鄉

山開彌顯道心堅抱嶺雲封石室巖叔夜養生空著論
素書青髓兩無緣

二一
卷一
一
槲葉松枝谷日擔
施人求食豈爲貪
火中危坐雪中睡
結草勝於彌勒龕

佯狂誰識德
惛惛太傅門前寄
慨深漫道廣陵成
絕調
故人偏撫一絃琴

久思棄世躡層霄
瞥見星冠崖畔招
名隸太清猶采藥
須知天上不逍遙

濛濛絳雪壓匡廬
又報移家地肺居
收得遼東新弟子
別分支派向林慮

變化通靈掌握操
夫人術比使君高
唾盤成獼繫牀
虎咒走庭中一樹桃

吐火揩雲葛孝先流杯還復坐深泉
有時走入鮫宮去
無奈濤神昨過船

太華峯頭白玉牀洪崖七子共相羊
天元待約中黃定
不願隨兒返帝鄉

帶城幙械宋璽完三百人中妙技殫
引鏡爲刀堪殺賊
火攻巧用赤青丸

陰易罷陽木畏金天門注意獨沈吟
調馴龍虎和龜雀
珠醴中央醞釀深

生死分明審去來指揮風雨召雲雷
韋郎別造一家法
嘯出靈光主務魁

濟民功德匹俞拊三使來迎金闕趨玉女與丹添萬歲
甞歸還賜上天符

求飽書生婦善嘲閉門悔不俗緣拋主翁畢竟師童子
悟澈空花出幻泡

乾坤憑仗氣彌綸貴者皆虛假亦真倒海移山非誑語
朱英服後使如神

白氈青幌儀筵醺羽蓋衝開華岳雲丹篆羨宅繩祖武
新頒九錫大茅君

一首丹經衆妙該介君洵屬不凡才吳宮剛切鱗魚膾
蜀市買薑騎竹回

蘇林至孝格穹蒼井水清冷橘葉香
哭母歸來身化鶴
更無人識牧牛郎

姓名早向玉函題文學翻遭衆口詆
我道先生痴帶慧
白驪躑躅赴迷溪

絕洞書成滂道源九靈胎息默存存
評量北極超南極
誕幻何如養性根

元霜絳雪迥難侔問候無須月一周
九轉迂迴七星速
竹林聯步上瀛洲

寒暑更番試仲都虹丹太白授吾徒
昆明侍從爭傳播
冬日單衣夏寸爐

低迷大醉銷離明五百年中兀未醒酒國酣嬉忘歲月
頭顱贏得雪千莖

蟬蛻依然到故鄉鴻泥蹤跡頗難忘兩回尸解清平吉
百日寄書靈壽光

何日金丹大道成方瞳仍在地中行但云勿勿身旋隱
那畏王家太尉兵

試心崖石踏空嵌又訪謨觴緣字函想見大關勤翁習
朱庭了了足超凡

拈蒼栖止避干戈心鏡凝塵自刮磨四十五年如一瞬
重煩使節賁巖阿

暮景頽唐七九齡還童忽化髮星星宮中合使曹瞞敬
女几乘雲遠窮冥

嵯峩紉嶼海東垠羽客交推宮嵩與陳長禾黍豐登忘

甲子殷勤三載尙留賓

碧空跌坐凍雲黏地戶幽深好晦潛噴墨天然工八法
舌鋒直比筆鋒尖

胡麻山朮當朝飡紫錦囊開細討論面似桃花登玉井
睿光照徹洗頭盆

方寸靈臺要主張功夫淺近理庸常青牛道士元邱客
宗聖何曾圍老莊

一先通言新集 卷一
恢垣於端溪書院新闢西軒延師課子疊韻寄索

和章亦疊前韻答之

歸田作經師君是逃名客攜兒泛頂湖豈戀五畝宅胸
中殊浩浩今之崔孝伯鏗劄任撞蕙詰難屢奪席鋤耒
以筆代厥圃乃篇籍芸人或舍己將毋迷所適金鐵弗
入爐奚由成劍戟古者易子教道若康莊闢不見鷓鴣
籬追逐摩天翮羽毛未豐滿高飛資振掖大鈞本無私
兩膏普融釋囊書遠從游鍵戶遂屏迹講堂拓後楹亦
足占麗澤綠陰一院幽戶外響雙屐盍簪共論文謂陸
徐二
子亦來 唯燦心花塲時來考勤惰罔聞三餘隙茲境實
就學

秀雅迥與塵俗隔良工費琢磨潤澈星巖石躊躇誦君
詩無計理歸船猶幸小園內書聲出叢碧軒窗絕開朗
匪等柴門窄兒童池畔嬉愛聽蛙號書吾孫及外孫天
機暢襟膈但令範馳驅學古漫無獲居諸勉就將日月
寶連璧迴念少小時已爲科名役中年涉憂患臆輪順
旋逆高厚何日酬民害務剗革區區方寸間獨結文字
癖汰淘有清味堪佐史漢炙安得赴西軒把杯樂晨夕
看君挽狂瀾雄過巨靈擘

曹薌溪以予生日贈蘭一盆並用東坡壽子由韻

賦詩爲壽其奴子因天將夕不昇蘭至僅以詩

投予卽次韻奉報

超蘅軼芷揚清芬
花田雨過風徐薰
香中之祖原出羣
介以瓊瑤歌邊雲
底用博山芝艾焚
玉觥嬌映簾波紋
踟躕兩美旋離分

蘭本二盆欲分一以贈

欲行且止愁夕氲已六

十日不見君可曾踏青向河墳
我知默誦黃庭文那復
心動隨蚩蚊病魔卻走無多云
傷春豈學杜司勳徑築
壇坵雄一軍詩筒急遞通殷勤
西園觴客酒微醺年逾
半百思歸耘奈有荆棘荒社枌
幽人高介空塵紛十里
甘讓婪尾焄試讀楞嚴參問聞

壽薌溪卽和其壽筠仙中丞長歌原韻

自夏徂秋冬復春

君於去年閏五月至粵

圓月十度金波生勿勿

又值懸弧辰

予以三月初六日生君以初八日生

心交本來如弟兄天涯

聚首兩故人

謂君與爾歎

方將結伴浮滄瀛勾留獨在珠江

濱薄帷一任張寒廳歸期弗遑隨雁臣花天酒國不夜

城那似京洛多風塵鷺潭潮退鋪碧鱗燈火高下垂繁

星照見玉白梨花雲虎邱畫舫休比論纏綿結佳情天

因羲娥欲爲迴雙輪是真是幻彌相親愛河水淺迷濁

清髣髴釵股交郁紛尋芳直到素馨墳黃菊作花柳不

髡閒情拚賦陶淵明此時愁聽長離箏虎頭山下蛟涎

腥潘園竟夕茶鎗烹並肩金撥彈鏗錚不平宛和秋蜚

鳴鏡中攝影妍媸分奇哉強水能化銀最宜晴旭忌陰
淫巨者鯤鵬細鷁盍豪髮畢肖莫與京道子錯愕僧絲
驚西園動我咨嗟聲狂奴故態難變更主璧有玷磨礪
新樹之籓籬正道伸苦口漫云無病呻養癰貽患昨甫

經

予去夏患肘癰

誰覩伯宗徒瘠瘦保蟲尙乞草木靈匪關俗

游畫眠肱欹側華蓋搖真精葆身當若干歲苓亟調君
相安谷神瘡痍未復悲吾民昔年抗疏肝膽傾陽和扇
轉扶桑頽立起沈痼天公仁長生妙訣師廣成守宋胡
爲突不黔以理戰欲麾心兵寸田雖隘勤耨耕出門追
逐大雅羣筋骸堅固氣彌綸翩然跨鶴朝玉宸厥壽定

可超祈淪萬古不朽元音鏗

和蕪溪友人水窗招飲用東坡陪歐陽公燕西湖

韻

髻邊堆滿玲瓏雪話到春游香齒頰漁洋綺語未刪除

睡醒銀絲倍芬烈青溪錦棚怕飛霜余淮七月後斟酌

橋畔夜熒煌吳中燈船必過此橋不如橫樓與紫洞勾引四時蜂

蝶狂珠江風浪幾曾惡客中原有銷愁藥莫怪游仙人

未返十丈輭紅無此樂美人都憐太瘦生贈之丹棘何

鮮明勸君歸去北堂樹送別好調銀字箏

恢垣枉顧感賦一首

又過清明節君歸爲拜山

粵人呼祭墓曰拜山

不知宦游者何日

故鄉還榛棘隴阡滿兵戈道路艱十年虛祭掃悵望嶺

雲間

木棉花歌和陳元孝韻

燭籠飛向炎荒來一掃瘴雨蠻烟開有如霓旌紛排上
林苑又似絳節矗立中天臺木客飲酣無算爵笑倚春
風出芒角羲和鞭日過南海蹴起火雲燒碧落乾坤爲
爐鍛冶成老幹槎枒氣旁薄牡丹稱王洛陽土爾亦雄
豪偏霸王彩奪甘泉木筆花豔同陽谷扶桑樹照耀靈
洲鬱水間仙人與丹堪駐顏霞光散盡又飄雪緣陰斗

覺生夏寒

子聽去臘於京江舟中亦仿予十二疊山谷水仙

花詩韻見寄復答以七律四首

魚箋遠達尉佗城恍聽篷窗嘯咏聲戎馬三年依幕府

波濤萬里泛滄瀛勞予引領天涯望羨汝流傳海外名

朝鮮徐秋堂容方還與填篋添鼓吹青春催轉上林鶯尙無

新致書於弟尙無

和詩

鳳池仙侶正高歌

謂內閣諸君粉署郎官七字哦

予去冬復兩和孫稼

生見懷之什在

十二疊之外云更比涪翁詩格拗也如與可轍材多

筆鋒銳過風胡劍心匠靈於織女梭見說倪園絕幽雅

弟寓吳門之安海紅花底作吟窩
會館爲倪氏舊園

兩度京江放權來凍雲低壓雨花臺爭誇射虎屠龍技
那及烹鮮製錦才學者性情無粉飾蒼生元氣要栽培
騰驥莫負空羣目從此驂馴道路開

劇慙樗散攝屏藩喜他瓜期返藁鞬星象猶然困箕斗
邊儲未易罷牢盆偷閒坐對亭前石排闥推敲月下門
詩境玲瓏堪傲俗夢園今日有西園

贈王少鶴拯通政

與君同庚皆乙亥六年不見鬢鬚改我齒後君甫二日
君生於三月初四日君才過我幾十倍礪柯千丈儼和嶠縱橫五

兵敵裴頴釋褐早推龍城豪揮翰更奪鳳池彩貌耀神
靜腹則便理明辭達氣何佻聲價直逾百珠璣鋒芒堪
折萬矛鐔金臺振轡登銀臺宦海迴舟泛滄海退飛暫
作六月息撰著自有千秋在西冷勾留頻探梅南武解
后申攬茝別時長隄柳颺絲到日小園竹舒蕙須知入
世盡羅網莫笑登場如傀儡盜賊長驅狼共豕將士紛
馳驥與駘可憐流離半天下太息兵興十餘載荆揚近
已罷干戈雍豫尙煩屯甲鎧析圭儋爵酬勛庸衝鋒陷
銳策疲怠功名要從馬上得鼓吹迭奏軍中凱從來韜
鈴運廊廟獨以樞禁冠僚案服君洵能贊訐謨媿我未

足調鼎鼎坐令伯奇稱文雄差等魯直訟詩罪幾殘
蠹識者羞君將刊所著文集小技雕蟲壯夫悔羅浮豈讓五岳
尊渤澥故應百川匯且拋案牘把卷哦願整囊鞬築壇
待傾吐肺肝契合真脫略形迹過從每我知壓倒池畔
石玲瓏嵌空數王宰

水鳥

粵人以天落水名之每鳴卽雨

蠻方水鳥識天時不共鳩鵲江岸嬉
七字連呼雨隨至
綠榕陰裏似哦詩

大雨卽晴喜而有作

天上瀉銀濤摩空鐵甲鏖
三農開笑口五管足春膏
屏

翳班師連羲和按轡半搏桑懸霽色不受海雲韜

西園偶作二首

咫尺能令眼界寬空明臺榭峭峯巒好春虛度九十日

新筍乍抽三百竿金粟濃香飄月桂珊瑚小朵綻風蘭

就中最是龍船豔

龍船花似繡
毬而小色赤

莫作天吳舊繡看

凡禽無此鳳鸞姿五色章身耀陸離隴客雪衣嫌太素

吳都綽羽合爭奇

權孫新購五色鸚鵡
一孔雀二養之園中

聰明每受樊籠

困文采難逃組綬縻須識唐宮時樂鳥燕公拜表賀丹

堦

少鶴用廢堂前輩韶州韻見贈並惠龍壁山房詩

集禽和二首

蛟螭出匣劍芒寒，璀璨珊瑚與木難。清望昔儕朱佐日，

謂伯韓前輩

盛名今匹鄭都官。

謂小谷比部

桂林大有扶輪手，穗

石重聯秉燭歡龍壁，一編堪寶貴。漫云鵬鷁可齊觀，

神往鄉山忽放歌。筆端奇氣傲孫何。

集中題龍翰臣前輩詩集七古長篇

七十餘韻最爲傑作

禁中儗直鳴珂早，海上歸來插架多。

君藏書甚富

倦矣驚駘艱學步，浩然溟滓欲同科。遨遊且駐安期鳥

高樹蟬聲滿菊坡。

招少鶴雲門，薌溪集於碧玲瓏。館壘前韻。

萬條銀竹打窗寒。

客至適大雨

水積堂坳，縱步難。屋本如舟。

容過客人方住世夢神官代飛燕雁彌增感

少鶴新至
鄉溪將歸

追逐雲龍足取歡差信年來消意氣朦朧勝負隙中觀
大隱金門據地歌漫勞迹侶羊何馬愁冀北空羣少
山訝終南捷徑多翠羽襪襪探卯殼青桐峭拔長黃科
眼前悟出行藏理品望休論上下坡

和蘭軒七律四首用原韻

四月八日長壽寺看浴佛

百寶莊嚴四大身去來參透淨中因一絲不掛能離世
八垢皆空迥斷塵下界龍華開梵宇西天象教闡金人
香風順母橋邊起猶似牟尼誕降辰

四月十一日荔支灣啖荔

壓倒楊盧數麗支絳羅風骨大蘇知青過三月綻珠蕾

紅亞一灣迎曉曦花鳴劉王開宴後海山仙子降凡時

於今黑葉潘園盛犀角無如此陸離

荔支三月熟者日三月青四月熟者

日犀角子

五月五日珠江觀競渡

潮平風靜鼓鳴鼙船比鳩茲江上多

予於庚戌五日觀競渡於蕪湖不及

珠江之盛試看鶩潭爭盪漿渾疑鴛錦亂拋梭招邀鬪草懸

蒲侶來聽舟車機馬吹海角湘纍曾到否飛鳧歲歲一

遮羅

五月十三竹醉日西園移竹

分種琅玕半畝陰，
莫孤瀟灑出塵心。
此君儼動提壺興，
有客方思荷鍤吟。
但得桃枝隨地活，
不妨桑落幾回斟。
秋來喜雨亭前過，
吹醒詩人風滿襟。

文樹臣

呈瑞

觀察和予亥字韻詩，亦疊韻以報。

我今閱世逾五亥，
耽吟有癖終不改。
自游嶺嶠壇坫間，
十盪十決勇氣倍。
何圖勅敵又遇君，
威稜震迅貌閑頽。
搖鞭卻走虎豹羣，
噴墨散作虹蜺彩。
案頭一劍夜長嘯，
君有嘯劍
山房詩草。魑魅足飽魚腸餒，
慷慨誓報家國讐。
便擲毛錐整戈鋌，
蠻觸么麼動爭地。
精衛微禽尚填海，
尊公大

節垂南天

君之尊人宜亭先生咸豐戊午重攝嘉應州賊至以身殉

突兀樓如鐵

漢在丹心赫赫輝茶梅

見宜亭草

崇祠蕭蕭薦藻莖文山遺

澤故深厚養成勁質皆箭筈英靈不朽永繁茂直等女

貞與思偏君從少小趨庭時早慕雄駿羞弱駘傳家治

譜絕寶貴政聲洋溢幾卅載

宜亭先生宦粵三十年

要除稂莠生

嘉禾莫取民笠覆官鑑縮鈐可以片言貫危而觀懼靜

覩忘石牛天馬

羅定二山名

保障堅皓鸞山

在信宜

中旋振凱

已瞻器量同籍渾更誇品第若韶窠才名不亞杜宗武

勛業豈讓葉仙鼎昨者梅州唱饒歌

君新作平定梅州饒歌

三萬

人寬脅從舉以子德音擅九能顧予頽惰銘六悔風驅

雲湧千丈濤大江東流彭蠡匯舳艫俄驚破空至鶴鷺
且復列陣待可知詩律通乎兵有進無退成功每蒼生
規運何日完欲排闥闔叩真宰

浴日亭用東坡韻

星稀月墮曉鐘天放眼波羅江上灣濁霧盪開龍穴樹
斷霞流過虎門山浮沈巒嶼雙涵影軒豁乾坤一解顏
夜半石樓同壯觀咸池疑在海中間